

catoche, catalepsis, lethargus, phrenitis, ac omnis cephalalgia, quæ non nisi capitis affectus esse possunt. Paralytis quoque atque conuulsio duntaxat nervos ophthalmia, hypochysis, hoc est suffusio, glaucoma, oculos, polypus, ozena nares: columella gargarionem: omnes denique cynanchies differentie tantummodo laryngis musculos occupant. Item, fames, sitis, ^{Av} Anorexia, nausea, vomitus, singultus, ructus, cibi fastidium, malacia ventriculi febres cordis duntaxat affectus proprii sunt, nec vlli alij membro conuenire possunt.

Quas affectas partes, & quos affectus calor indicat.

CRP. VI.

N quacunque humani corporis parte calor præter naturam tactu percipitur, ibi calidam intemperiem inesse significat: quæ, si in vniuerso corpore diffunditur, febris est. Huius autem intemperiei tres differentie sunt. Vna enim ephemera, hoc est diaria dicitur, cuius causa semper externa est & euidentis, nec cum horrore, aut rigore, frigoreve incipit, & intra viginti quatuor horas omnino desinit. Hanc nulla comitantur sæua symptomata, nec vehemens capitis dolor, neque magna corporis

B